

فيديو ٥٨٧ من مقاطع حظر التجول تدبر آل عمران حلقة ٧٢ الآية

٧٩-٣٩

فاضل سليمان

السلام عليكم ورحمة الله وبركاته. اهلا بحضراتكم في المقطع رقم سبعينية خمسة وثمانين من مقاطع حظر التجول والحلقة السابعة والعشرون من حلقات تدبر آل عمران. عايز اقول لكم ان احنا امبارح وصلنا - 00:00:01

اه اه لن تناولوا البر وده بداية جزء فاحنا كده تدبرنا حسبتها آآ لقيت ان احنا تدبرنا ربعمية خمسة وثمانين صفحة تقريبا في سبعينية خمسة وثمانين يوم وباقى حوالي مية وتسعمائة صفحة - 00:00:20

يعنى لو ربنا بتكلم طبعا على مصحف المدينة اللي هو المصحف الموجود عند الناس كلها اللي هو طباعة آآ مطبعة الملك فهد يعني لو ربنا سهل ان شاء الله واستمرينا بنفس هذا المعدل - 00:00:39

المفروض نخلص في حوالي تسعمية وثمانين حلقة يعني بعد اقل من متين يوم على اوائل شهر ديسمبر بازن الله مين عارف لو مدينا عشرين حلقة كمان ؟ يعني احنا احيانا الحلقات بتبقى قصيرة امبارح مسلا تدبرنا آية واحدة - 00:00:53

لو وصلنا الف حلقة وده مش صعب. لأن احنا احنا اصلا باقول لكم احنا حسب الحسابات تسعمية وثمانين حلقة. لكن ممكن لو مدت في الف حلقة تبقى لطيفة جدا وممكن بقى ساعتها الناس اللي متضايقه - 00:01:15

من اسم المقاطع حظر التجول هنبقى نسميه ان شاء الله الف ليلة وليلة مع القرآن بازن الله لكن حابب بس ابشركم ان احنا كده ان شاء الله ايه آآ ماشيين كويس الحمد لله - 00:01:27

اقرا بقى معي الآية ثلاثة وتسعين الى خمسة وتسعين اعوذ بالله السميع العليم من الشيطان الرجيم كل الطعام كان حلا لبني اسرائيل الا ما حرم اسرائيل على نفسه الا ما حرم اسرائيل على نفسه من قبل ان تنزل التوراة - 00:01:42

اه فأتوا بالتوراة فاتلواها ان كنتم صادقين فمن افترى على الله الكذب من بعد ذلك فاولئك هم الظالمون تيمو قل صدق الله فاتبعوا ملة ابراهيم حنيفا وما كان من المشركين - 00:02:18

ايه بقى الموضوع ده احنا يعني هنتكلم في الاكل بقى النهاردة يعني كل الطعام كان حلا لبني اسرائيل هنتكلم في المحرمات من الطعام وكده كنا بنتكلم في العقيدة بتاعة اليهود والنصارى والايمان والكفر والردة. وبعد كده اتكلمنا امبارح في الانفاق في سبيل الله واداب الانفاق في سبيل الله. وانه - 00:02:58

ويصل لدرجة الايثار لعلاج شح النفس. النهاردة غيرنا الموضوع وهنتكلم في الطعام لأ ما فيش كلام في الطعام ولا حاجة احنا هنرجع نتكلم في العقيدة تاني ونفند ادعاءات اهل الكتاب اليهود خاصة انهم بيتسبوا لابراهيم وانه كان يهودي - 00:03:19

اقرا كده مع الآية خمسة وستين عشان تفتكري ايه الموضوع ده يا اهل الكتاب لما تجاجون في ابراهيم وما انزلت التوراة والانجيل الا من بعده افلا تعلقون فاكرين احنا لما قلنا ان طبقا لتعريفهم هم اليهودي هو اللي بيتابع التوراة. والنصراني اللي بيؤمن وبيتابع الانجيل. طب انت ازاي - 00:03:43

تقولوا ابراهيم يهودي وانت تقولوا ابراهيم نصراني. اذا كان التوراة والانجيل نزلوا بعديه اقرأ كده معى سبعة وثمانية وستين عشان نفتكري مع بعض ما كان ابراهيم يهوديا ولا نصراني. ولكن كان حنيفا مسلما وما كان - 00:04:14

من المشركين ان اولى الناس بابراهيم للذين اتباعوه وهذا النبي وهذا المؤمنين فاحنا هنرجع النهاردة نتكلم

تاني في ملة ابراهيم. هل هي مطابقة للديانة اليهودية - [00:04:34](#)

لأ طبعاً أبسط مثال المحرمات في اليهودية مش هي المحرمات على ابراهيم. ده حتى كل الطعام كان حلاً لبني إسرائيل إلا ما حرم إسرائيل على نفسه من قبل ان تنزل التوراة. قل فاتوا بالتوراة فاتلواها ان كتم - [00:04:56](#)

صادقين انتم بقى ايه اللي جاب سيرة الطعام دلوقتي؟ احنا مش هنتكلم دلوقتي في حاجة فقهية ولا في طعام ولا في حلال ولا حرام والبتاباع خالص احنا بنتكلم عن ابراهيم تاني - [00:05:17](#)

وعشان هم اللي اثاروا الموضوع ده. اقول لكم دلوقتي ازاى اقول لكم ايه اللي جاب سيرة الطعام بالزات جاية معناها بقى الاية دي ايه؟ ان لغاية يعقوب اللي هو اسرائيل - [00:05:29](#)

كان المحرمات هي نفسها اللي من زمن ابراهيم وبعدين يعقوب حرم على نفسه اشياء من باب الزهد من باب تربية النفس بيشد على نفسه شوية وده وارد على فكرة انا واحد يمنع نفسه مسلا من اكل النشويات. او من اكل الدهون لاي سبب - [00:05:48](#)

لسبب بقى صحي لسبب بقى آآ تربوي. هو حر. يعني مش آآ ممكن واحد يعني يحرم على نفسه مش معناه ان هي تبقى حرام. لكن خلاص يعني يقول لك انا انا حرم على نفسى الاكل الفلاني. مش هاكله - [00:06:10](#)

واحد من العلماء كنت قريت له مرة ازن الامام ابو حامد الغزالى بيتهياً لي مش فاكر. بيتهياً لي هو كان يقول ظللت اشتهرى الهرىسة ثلاثة عاماً وهي تصنع في بيته كل يوم ولا اكلها - [00:06:25](#)

يعمل لولاده بيعملوها في البيت. ونفسه يأكلها تلاتين سنة وما حطهاش في بقه بعض الناس ترى ان التضييق على النفس ده وحرمانها ده بيؤديها مش وقته نناقش الموضوع ده دلوقتي. لا هاقول لكم رأيي في الموضوع ده ولا هاقول لكم ده صح ولا غلط. لكن كل واحد حر في طريقة تربيته لنفسه - [00:06:44](#)

الدين لم يطالبنا بذلك ولا منعنا من ذلك ايضاً. فكل واحد حر المهم ان انت تهذب نفسك فسيدنا بقى اسرائيل ده سيدنا يعقوب سيدنا اينما حرم اسرائيل هنا دي مش اسرائيل؟ لأه ده سيدنا يعقوب - [00:07:07](#)

حرم على نفسه لحوم والبان الابل وبعض الاشياء الثانية يبدو ان ولاده مشيوا على نفس النهج. خلاص بيتهما ما بيخوشوش لا لحوم ولا البان ابل ما حرمهاش دينا ما فرضهاش على حد لكن ولاده مشيوا على نفس النهج. فاصبحت ثقافة - [00:07:26](#)

انهم ما يكلووش حاجات معينة. وال حاجات دي مش محرمة شرعاً. لكن في الثقافة بقوا ايه؟ يعني ما يكلوهاش ماشي ثم مع الوقت اختلطت الثقافة بالدين ودي حاجة خطيرة جداً للأسف ده احياناً بيتسلى للإسلام - [00:07:48](#)

لكن ربنا بيبعث على رأس كل مائة سنة من يجدد هذا الدين. يعني ايه؟ يعني يزيل ما علق به من اراء الناس واراء العلماء ويرجعوا لاصله الصافي اللي هو القرآن والسنة - [00:08:08](#)

ان بعض اراء العلماء ممكن تكون مناسبة لوقتها. اشكال فقه متغير. الشريعة لا تتغير. لكن الفقه اللي هي الاحكام تتغير من زمن لزمن. ومن مكان الامام الشافعي مجرد انه انتقل من العراق الى مصر عمل مذهب جديد تماماً واراء جديدة تماماً - [00:08:23](#)

تخيلوا بقى الامام الشافعي كان بيقى عايش النهاردة تفكروا كان هيتمسك بنفس ارائه اللي من الف ومتين سنة برضه لأ ازا ده الاساس. اقول لكم على حاجة انا دايماً ما بحب اشرح الموضوع ده حتى اما بقى بعمل مسلاً آآتور كده لغير المسلمين في مسجد او حاجة - [00:08:40](#)

باقول لهم لازم تفرقوا بين ما هو من الثقافة وما هو من الدين؟ لانه للأسف حتى المسلمين اشياء كتير بيعملوها ما يعرفوش انها مش من الدين. مسلاً على سبيل المثال احنا ماشيين حافيين في - [00:08:57](#)

مسجد صح قلعننا الجزم برة صح ده مش دين دي ثقافة الدين ممكن تخش المسجد بالجزمة بتاعتك بس احنا ما بنعملش كده عشان دلوقتي عندنا موكيت والموكبيت ما بيتشالش وتنضيفه مش سهل فبقينا اتفقنا ان احنا نقلع الجزم برة. بس مع الوقت فيه ناس فاكراء ده دين - [00:09:16](#)

انا هنا مسلاً في انجلترا لو دخلت خطوطين جوة المسجد رخام لسة ما فيش السجاد ابتدى. مجرد دخلت بس من الباب لسه ما

قلعتش الجزمة تلaci الناس قامت هتاكلني. وكان يعني يعني اعتديت على حرمة هذا الدين. مش عارفة تفرق بين الثقافة -

00:09:36

المهم اللي حصل ان بني اسرائيل استمروا الى عهد موسى على الاشياء دي محرميها على نفسهم وهي مش محرمة بالفعل في الشريعة اللي في الشريعة بتاعتهم وبعدين في عهد موسى نزل بقى في سفر اللاويين خاصة تحريم حاجات كتير جدا ربنا صعبها بقى عليهم من باب التأديب - 00:09:55

وادبهم تجد في سورة النساء ان شاء الله الشهر الجاي كده احنا بنتبرع ربنا بيقول فبظلم من الذين هادوا حرمنا عليهم طيبات احل لهم وبصدتهم عن سبيل الله كثيرا. فربنا بسبب ظلهم حرم عليهم طيبات مش خبائث - 00:10:22

طيبات ماشي فالتوراة نزلت حرمت بقى اشياء كتير جدا ومعزمهما كان هي محررها اسرائيل على نفسه بس بقت شرع بقى طب لو مش مصدقين الكلام ده ؟ روحوا هاتوا التوراة واقروها - 00:10:44

هات بقى الاية ثلاثة وتسعين عشان نفهم هي يعني الاية بتتكلم عن ايه كل الطعام كان حلا لبني اسرائيل الا ما حرم اسرائيل على نفسه من قبل ان تنزل التوراة - 00:11:03

هو كان محرم الحاجات دي قبل ما تنزل التوراة مش مصدقين قل فاتوا بالتوراة فاتلواها ان كنتم صادقين. هاتوها هتلاقوا التوراة بتحرم الحاجات دي. ما دام بتحرمها يبقى ما كانتش محرمة قبل كده - 00:11:19

اقرا الاية اللي بعدها اربعة وتسعين فمن افترى على الله الكذب من بعد ذلك فاوئك هم الظالمون اللي بعد كل ده هيصر على الافتراء والكذب على الله بانه يقول ايه ؟ بانه يقول ان ابراهيم كان يهودي - 00:11:34

اللي بعد كل ده هيصر على الافتراء والكذب على الله هو الغلطان هو اللي زالم لنفسه هو اللي زالم للناس لانه بيضلهم فمن افترى على الله الكذب من بعد ذلك التفات من المفرد للجمع. فاوئك هم الظالمون - 00:11:54

ناس ده اصله مش واحد اللي بيفترى على الله الكذب ده ربنا بيقول كل واحد بيفترى على الله الكذب كلهم ظالمون قل صدق الله فاتبعوا ملة ابراهيم حنيفا وما كان من المشركين - 00:12:17

فلو اليهود في المدينة يا محمد فتحوا بقهم تاني واتهموك انت والمسلمين انكم لستم على ملة ابراهيم عشان بتتكلوا اشياء لم يكن يأكلها ابراهيم ؟ ما هم راحوا قالوا له ايه ؟ انت بتتكل بتشرب البان الابل وبتكل لحوم الابل ؟ الحاجات دي اصلا محرمة - 00:12:40

ازاي تدعى ان انت من اتباع ابراهيم ؟ لا الحاجات دي ما كانتش محرمة على ابراهيم اصلا. وما كانتش محرمة خالص لغاية ما نزلت التوراة هو كون بقى ان ان سيدنا يعقوب حرمها على نفسه. وفضلت الناس محرماه عن نفسها. هي ما كتش محرمة عليهم - 00:13:00

هنا بقى احنا هنصدق مين ؟ هم يقول لك لأنتم كذا بين قل صدق الله احنا نصدق الله. وانتم بتفتروا على الله الكذب فوقوا بقى لنفسكم وايه فاتبعوا ملة ابراهيم حنيفا. وما كان من المشركين. اتبعوا الاسلام - 00:13:15

لان اتباع الاسلام هو اتباع ملة ابراهيم الملة الحنيفية وقلنا الحنيفية يعني الانحراف عن الانحراف بتاع الناس كلها يعني بمعنى ايه السباحة ضد التيار. الوقوف مع الحق حتى لو كان ده مكلف. هي دي الحنيفية - 00:13:41

انك لو حدك على الحق خليك لو حدك على الحق فاتبعوا ملة ابراهيم حنيفا وما كان من المشركين في بقى حاجة لازم نتساءل عنها هنا طب احنا كنا بتتكلم في العقيدة وبعدين اتكلمنا امبارح في الانفاق في سبيل الله - 00:14:02

وخلق الايثار وقلنا الاخلاق دي دليل قوة الايمان. وبعدين رجعنا تاني النهاردة نتكلم في العقيدة وملة ابراهيم طب احنا امبارح شفنا حسن التخلص من موضوع العقيدة لموضوع الایثار والانفاق. جه عن طريق الفلوس - 00:14:23

بحيس ما يحصلش خبطة لما الموضوعات تتغير الدنيا تمشي مية واحدة كده الخيط اللي كان ماسك ايه قلنا امبارح وتفتكروا هات كده اية واحد وتسعين ان الذين كفروا وماتوا وهم كفار فلن يقبل من احدهم ملء الارض ذهبا. الذهب - 00:14:41

ولو افتدى به الاية اللي بعدها عن خلق الايثار قالت ايه ؟ لن تناولوا البر حتى تنفقوا مما تحبون. وما تنفقوا تاني تتفق من شيء فان الله

به عليم. فكلمة الذهب وبعدها كلمة تتفق مرتين عملت حسن تخلص - 00:15:07

وشرحنا امبارح يعني ايه حسن التخلص اللي مش فاهم يرجع لحلقة امبارح. طيب دلوقتي الموضوع هيتغير تاني بقى من الاخلاق خاصة خلق الايثار الى العقيدة بقى والكلام عن الملة التخلص هنا هيحصل ازاي عشان ما يحصلش خبطة تانية - 00:15:28
عارفين التخلص فين كلمة كل الطعام هو في حاجات تانية كان ممكن في الدين ربنا ياخدها ويتكلم بها. لكن الطعام هنا مناسب عشان نعمل به حسن تخلص. ركز بقى معي في الحنة دي عشان تحاول نفسى - 00:15:50

يعني ما ربنا يقدرني وابسطها بس لما تسمع كلمة كل الطعام وانت شبعان انت شرعا دلوقتي ايه لسة متغدى كلوا الطعام لكن لو انا صايم وفاضل لي نص ساعة على الفطار هابقى انا هفتان - 00:16:06

اما اسمع كلمة كله الطعام لعابي هيسيل هيجري. هم. لاني جعان بس هو مش بالضرورة الجعان بيبقى جعان عشان صايم ممكن يكون جعان لانه فقير فلما قبل ما ربنا يقول كلوا الطعام الاية اللي قبلها قال لن تناولوا البر حتى - 00:16:27

تفقروا مما تحبون امن الفقير ان ناس اغنياء ينفقوا مما يحبون يعني يخرجوا انواع الطعام الجيدة اللي دي الحاجات البسيطة او اللي مش هي Shawfها الا القارئ المتدرس اللي هي يعني احنا بقى لنا النهاردة سبعمية خمسة وثمانين يوم - 00:16:54
المفروض بقى الحاجات دي بت Shawfها بسهولة بقى. كل الطعام جت من بعد تتفقروا مما تحبون خلي بالك الانفاق مع الذهب عمل حسن تخلص هناك. لكن مما تحبون يعني من لحم الكتف - 00:17:20

يعني حمام محشى يعني حاجات كده حلوة ها وبعدها كل الطعام عملت معك حسن تخلص ونقلت من الاخلاق والايثار على العقيدة وملة ملة ابراهيم من غير ما تشعر انك اتخبطت - 00:17:35

يا رب اكون ايه وضحتها. مش عارف هي طبعا ممكن تكون مش مؤثرة في المعنى. الرئيسي بناء الایات لكن يعني الایات بتتكلم عن عقيدة التوحيد لكن لها تأثير غير مباشر في النفوس. انما يحصل تغير في الموضوعات مفاجئ ده هيؤثر في نفسيتك وانت بتقرأ - 00:17:55

وحتى تلقيك لایات بتتكلم في العقيدة مش هيكون تلقي سلس. مهم تبقى استريح كده وانت بتقرأ الكهرباء مع خمسة وتسعين قل صدق الله فاتبعوا ملة ابراهيم حنيفا وما كان من المشركين - 00:18:19

الكلام لليهود لل المسلمين اليهود قالوا انت توجهتم لكتابكم وتركتم بيت المقدس ولو كنتم على ملة ابراهيم فعلا ما كنتوش تركتم بيت المقدس؟ الاية ستة وتسعين ان اول بيت وضع للناس للذى بكرة مباركا - 00:18:45

وهدى للعالمين فيه ايات ببيان مقام ابراهيم ومن دخله كان امنا. ولله على الناس يحج البيت من استطاع اليه سبيلا. ومن كفر فان الله غني عن العالمين قل يا اهل الكتاب لم تكفرون بآيات الله والله شهيد على ما تعملون - 00:19:14

قل يا اهل الكتاب لم تصدون عن سبيل الله من امن تبغونها عوجا وانتم شهداء وما الله بغافل عما تعملون طب ايه علاقة الردة او يعني انا اسف. ايه علاقة - 00:19:44

الرد ده بابراهيم يعني هم بيقولوا انت توجهتم للكعبة وتركتم بيت المقدس ربنا راح مدي الرد ده طب ده علاقته ايه بابراهيم؟ هو مين اللي بنى البيت في مكة؟ يعني لما ربنا يقول ان اول بيت وضع للناس للذى بكرة مباركا. وهدى للعالمين. هو مين اللي بنى البيت؟ ما هو ابراهيم - 00:20:03

فلو انت بتتنسبوا لابراهيم فعلا المفروض يكون هذا البيت هو قبلتكم وكفاية بقى صد عن سبيل الله. ما تحرفوش بقى ذكر مكة وشعائر الحج المذكورة في كتابكم ما اتحرفوش. كفاية صد عن سبيل الله - 00:20:33

والقرآن هنا استخدم بكرة للذى بكرة مباركا وبكرة هو اسم مكة في مزامير داود في الكتاب المقدس بناء المسيحيين وبناء اليهود المزمور اربعة وثمانين وادي بكرة. طبعا فيه فيديو انا اللي نشرته النهاردة - 00:20:55

وقفنا عليه الدكتور بسام جرار بارك الله فيه يعني ده استاذنا وشيخنا الفيديو ده عنوانه هل ذكرت مكة في الكتاب المقدس وجبت التحريرات اللي حصلت في الترجمة العربية خصوصا عايز اقول لكم ان - 00:21:23

ان التحريف اكتر تحريف حصل الانجيل النسخة العربية عشان المسلمين لغتهم الاولى العربية تم تحريف يعني مسلا انا فاكر في انجيل متى ازن اصحى ستة وعشرين او حاجة زي كده ان السيد المسيح في كل الانجيل اللي في الدنيا بكل اللغات. مشى قليلا ثم

سجد - 00:21:39

ده على وجهه يعني في الانجيل الانجليزي كده بيقول لك ايه نزل على وجهه يصلبي. بيقى سجد الانجيل العربي بس نزل على ركتبيه يصلبي ليه؟ عشان عشان ما يبقاش شكله زي الايه السجود بتاع المسلمين. هنا بقى بكرة اتشالت عشان دي بكرة موجودة في القرآن -

00:22:06

حطوا بقى حاجات كتير تتفرجوا على الفيديو وادي البكاء وادي البisan وادي البقا وادي كمية حاجات غريبة ما لهاش اي دعوة لكن كل الانجيل الانجليزي بكرة بكرة بكتابال بي ، يعني ده اسم اسمه بكرة - 00:22:31

هو اسم مكة وبعد ايه بقى؟ يعني الحنة دي مشروحة في الانجيل او في المزمور بتقول بتتكلم عن ناس معتكفين في بيتك يا رب.

ماشي ينتقلون من جبل الى جبل الصفا والمروة - 00:22:48

يهللون لبيك اللهم لبيك، لبيك لا شريك لك لبيك، ان الحمد والنعمة لك والملك، لا شريك لك وصف الحج في البيت الحرام بين جبلين الصفا والمروة ومع اه رفع الصوت بالتهليل. في ايه يا وبكى الكلام ده بيتم في بكرة. سبحان الله - 00:23:09

هندول كم ده عشان كتير كده كان يجي يقول لك ايه انت بتتكلم كتير ان فيه اشارات للنبي في الكتاب المقدس طب ادينا مسلا مسال ده الامسلة كثيرة جدا عشان تبقو عارفين جدا. طيب - 00:23:38

آآ ارجو تتفرجوا على الحلقة دي يا جماعة انا عايز اقول لكم ان مكة اسمها مكة في القرآن. بس في الاية دي بالزات عشان بتخاطب اليهود قال لهم بكرة ارجعوا بقى للمزمور اربعة وثمانين لكن لكن مسلا في سورة الفتح ربنا قال آآ - 00:23:49

آآ هو الذي كف ايديهم عنكم وايديكم عنهم بيطن مكة من بعد ان اظفركم عليه. بيتكلم في سورة الفاتحة عن عن الفتح. فهي اسمها مكة. في القرآن برضه لكن هنا بكرة. زي الاسم اللي ذكر فيه المزمور - 00:24:11

اربعة وثمانين من مزامير داود طيب لكن اه طيب بقى قلنا اول بيت وضع للناس للذى بكرة مباركا مباركة لان بتتجمع عنده القلوب قلوب العباد كلها بتتوجه الى هذا المكان - 00:24:27

بنصلني في دوائر حوله والدوائر تتسع تتسع الى انها تفرش على وجه الارض كله فالانسان مننا وهو واقف بيصلني حتى لو واقف يصلني لوحده في بيته عارف ان فيه اخوة واحوات في الدائرة دي معه لكن مش بالضرورة واقفين جنبه هو مش شايفهم لكن -

00:24:52

ممكن في البرازيل في اليابان فالكعبة بتوحد الناس دي في العبادة بحيث انهم يتوجهوا بقلوبهم ووجوههم في اتجاه واحد ايه اللي بيوحد الابيض والاسود والعربي والهندي والرجل والمرأة اللي بيتكلموا لغات مختلفة ولهن تقافات مختلفة - 00:25:10

هذه الوحدة وحدة الامة في عبادة الله دي هي دي هدى للعالمين. دي الهدایة توحيد الناس بهذه الطريقة على فكرة اية من ايات الله. في طالب سأل استاذ في احدى الجامعات الامريكية - 00:25:32

انت لو عندك في مكان اتنين مليون شخص بيتحركوا في كل اتجاه عشان تصفهم صفوف منتزمة في شكل دوائر منتزمة مزبوجة محتاج وقت قد ايه الاستاذ قال له لأ يعني طبعا الساعات - 00:25:51

ما اعرفش ممكن تلات اربع ساعات ما اعرفش بس هنحتاج وقت طويل راح مشغل له فيديو ورا له الطواف زحمة جدا وناس داخلاها خارجة ومرة واحدة اقيمت الصلاة في اقل من دقيقة - 00:26:11

ملايين واقفين دوائر منتزمة. كالبنيان المرصوص اية دي من ايات الله فيه ايات بینات مقام ابراهيم ومن دخله كان امنا والله على الناس حج البيت من استطاع اليه سبيلا. ومن كفر فان الله غني عن العالمين - 00:26:24

فيه ايات بینت. هذا البيت فيه ايات من ايات ربنا بركة فيه هدى بنروح وبنتعبع هناك وبنعيا وكلنا بنرجع عيانيين للبقاء فيروسات العالم عشان تبقو عارفين ورحلة مرهقة بنرجع تعبيانيين وبنأخذ اجازة من شغلنا اسبوع وبنبقى - 00:26:51

وب Russo عازين نروح تاني وبرضه القلوب بتبقى يعني بترفرف كده لما تسمع او تشفف اللادان في التليفزيون عايزه تذهب مرة اخرى شيء غريب بيربط القلوب بهذا المكان يعني دايما اوامر ربنا مرتبطة بالايام يا ايهها الذين امنوا كتب عليكم الصيام كما دايما يعني ربنا يقول يا ايهها الذين امنوا - 00:27:11

اقيموا الصلاة واتوا الزكاة من هنا ولله على الناس حج البيت بيفكرك بان احنا اصلنا كلنا اصلنا انساني احنا ناس البيت ده بيوحدنا رجعك للابل الانساني بتاعك قال لك لله على الناس حج البيت - 00:27:37

شيء غريب يعني هذا البيت هو مقام ابراهيم. الحرم كله اسمه مقام ابراهيم. ولكن في ناس بيعتبروا المقصود هو الحجر اللي وقف عليه سيدنا ابراهيم يتتم بناء الكعبة والحجر ده عليه اثار اقدامه - 00:28:02

احب اقول لكم ان ما فيش حاجة مؤكدة بتقول ان الحجر ده كان بيستغل زي الاسناسير بطريقه اعجازية. طالع نازل عشان سيدنا ابراهيم وسيدنا اسماعيل ببنوا الكعبة. ما فيش حاجة بتقول كده - 00:28:20

ما فيش حاجة كمان بتقول ان اقدام سيدنا ابراهيم غاصت في الحجر. ما فيش حاجة برضو بتقول كده خلاص طيب سيدنا ابراهيم يا جماعة اخد تعليمات بناء البيت اذا في يعني انا لما حد يقول لحد ابني بيت هيقول له انا عايزه بارتفاع كذا عرض كذا - 00:28:34

فسيدنا ابراهيم اراد ان يتم بناء البيت. وما بيقاش البيت ده قصير اقصر من قامة الانسان. بقى بيت ازاي وهو اقصر من قامة الانسان فما فيش هناك لا سالم ولا بتاع. فجات حجر ويقى ينقل الحجر كل شوية ويقف عليه عشان يحط - 00:28:54

يعني يزود حجر كمان اعلى من ارتفاع طول الانسان ده اهتمام ده اهتمام واتقان في العمل هو وسيدنا اسماعيل بقوا ينقولوا الحجر كل شوية ويقفوا عليه عشان بيعلوا البيت بقى اعلى من ارتفاع الانسان. هتقول لي طب ايه اثار الاقدام؟ الله اعلم. ممكن جدا. عشان بيطبع - 00:29:12

حجر كتير وبيستلم حجره وبيحطه يكون خايف انه يتزحلق او يقع فبيعمل عملية حفر في الحجر بحيس ان رجليه لما تخشن تدخل تبقى سابتة ما يتزحلقش ما يقعش. يعني مش بالضرورة ان دي فيها معجزة خالص عشان تبقو عارفين. ولكن ده دليل على الاتقان الشديد والاهتمام الشديد - 00:29:39

في بناء البيت ده سيدنا ابراهيم وسيدنا اسماعيل اجتهدوا انهم يعملا احسن ما يستطعوا وهذا المكان بقى اللي هو واد غير ذي زرع ربنا قبله الى محمية طبيعية. لا يقتل فيها حيوان ولا طير وممنوع فيها - 00:29:59

ممنوع فيها قطع الاشجار من دخله كان امنا التاريخ اسبت ان الكلام ده مش صحيح. وسيدنا عبد الله بن الزبير من العوام اضرب بالمنجنيق وقتل في قلب الحرم. ومش عارف آآ حاجة - 00:30:20

الموضوع بتاع السبعينات ده اللي هو المجموعة اللي دخلت الحرم وضررت نار ومات فيه ناس وبتاع لا لا الناس مش فاهمة. ومن دخله كان امنا دا تكليف الناس فاهمة ان ده ايه - 00:30:37

ان ربنا بيتكلم عن شيء آآ حالة لابد انها بتحصل. لا لا ده ربنا بيكلف الناس كده ومن دخله كان يعني تؤمنه الناس لما تدخلوا. الناس جوة المفروض ما تتسرقش ما تتنقلش. ما حدش يضرب حد ما حدش يخطب حد ما حدش خالص - 00:30:54

ده امر من الله ان اللي يدخله بقى قايم لك ده مش معناه ان اللي بيدخله بقى امن فاهمين اقصد ايه؟ فده امر من الله. ده تكليف حكم شرعى يعني - 00:31:11

في الجاهلية احترموا الكلام دوه يعني في الجاهلية يقول لك كان الرجل يرى قاتل ايه يمشي عند الكعبة ولا يستطيع ان يثار منه. ما يقدرش يمد ايده عليه. اللي قتل ابوه بس عند الكعبة الكعبة لها احترامها. الكفار كانوا بيعترموا الكعبة - 00:31:23

ولله على الناس حج البيت من استطاع اليه سبيلا دي الالية الوحيدة اللي فرض بها الحج واصبح الحج الى بيت الله الحرام ركنا من اركان الاسلام لان بعدها ومن كفر فان الله - 00:31:45

الله غني عن العالمين. تغليظ لخطورة عدم الحج للمستطاع والله على الناس حج البيت من استطاع اليه سبيلا. يعني مستطيع ماديا انه يروح ومستطيع صحيا كمان انا بصراحة بيزعجي جدا اني اشوف شباب كتير - 00:32:05

مش بيفكروا في الحج خالص. اصل الحج غالى لسة عايز انجوز ولسه عايزه اعمل جاليه وعايز اجيب عربية ولازم اجيب شقة وبادفع اقساط لا الحج بيجي قبل كل ده تعمل ايه بقى ؟ تحوش كل يوم جنيه - 00:32:29

بنية ان ده بتاع الحج ابدأ خطط واستعد للحج هتجد قوة بتسحبك على الحج و بتترتب لك كل حاجة. بس انت تعزم وتبداً اول خطوة انت اللي تحتاج تحج خلي بالك - 00:32:46

ربنا مش محتاجك والله على الناس حج البيت ده عشان يقول لك اهميته لكن انت اللي تحتاجه انت فاكر ان آآاه حق ربنا عليك يعني ربنا محتاجك لا ومن كفر فان الله غني عن العالمين. كفرة هنا ممكن تبقى كفر بنعمة بنعمة البيت وبنعمة - 00:33:07
الحج مش بالضرورة انها كفر يعني كفر من الاسلام. وان كان استغلوها ايضا عشان يثبتوا بها ان الحج من اركان الاسلام غير طبعاً
السنة طبعاً ورد بالسنة هذا. لكن من الكتاب من القرآن هي دي الاية اللي بتفترض الحج و بتجعله ركن من اركان آآا الاسلام - 00:33:28
بصوا يا جماعة الدين ده دين الجماعة مش دين فردي احنا بنصلي في اليوم خمس مرات. والسنة نصلي جماعة على قد ما نقدر فاهم الشارع هيتقابلووا كل يوم ممكن تلات مرات - 00:33:50

ومرتين بصلی في المسجد بتاع اللي جنب الشغل بتاعي. فبرضو بقابل اهل الشارع اللي هناك اللي يغيب يوم والثاني الثالث بيبقوا عنده بيزوروه ده المفروض. بيتفقدوه عشان يشوفوا احواله ايه. هو غايب ليه بقى له يومين - 00:34:07

احسن يكون مريض او احسن يكون عنده مشكلة. هم. طيب ده اجتماع بيتكم للجيران خمس اجتماعات كل يوم احضر منها على قد ما تقدر يوم الجمعة بقى السنة اغلاق المساجد الصغيرة دي. واهل القرية او اهل الحي يجتمعوا في المسجد الجامع اسمه - 00:34:24
سامع لانه كبير بيجمع اهل الشوارع دي كلها الحي كله بصلی في المسجد الجامع العيددين السنة اغلاق الجوامع ويخرج اهل المدينة كلهم الى الخلاء. يعني المنطقة المفتوحة اللي برة المدينة عشان تسعهم كلهم بييجوا كلهم بقى بالعيال وكله - 00:34:47

بيقى اجتماع يومي خمس اجتماعات اسبوعي واجتماع نصف سنوي الفطر وفي الاضحى مرتيين في السنة. ومرة واحدة في العمر بيقى عضو في الوفد بتاع بلدك. اللي هيشارك في الجمعية العامة العمومية لمسلمي العالم - 00:35:15
في مكة البيت الحرام الجنرال السيمبلي بتاعة المسلمين. الجمعية العامة اللي هو الجمعية العمومية لذلك امير الحج ده اللي بيقود الناس في الحج ده المفروض ان هو منصب سياسي اصلاً. ده المفروض - 00:35:40

طيب نقرأ بقى كده الایتين دول وايه ونختم النهاردة ان اول بيت وضع للناس للذى بكرة مباركا وهدى للعالمين فيه ايات بينات مقام ابراهيم ومن دخله كان امنا والله على الناس حج البيت من استطاع اليه سبلا. ومن كفر فان - 00:35:58

ان الله غني عن العالمين اللهم انا نسألك حبك وحب من يحبك وحب كل عمل يقربنا الى حبك اللهم ما رزقنا ما نحب فاجعله قوة لنا فيما تحب. وما زويت عنا ما نحب فاجعله فراغاً لنا فيما تحب - 00:36:31

اللهم اجعل حبك احب اليها من اهلينا واموالنا ومن الماء البارد على الظمة. اللهم حببنا اليك الى ملائكتك وانبائك ورسلك وعبادك الصالحين. واجعلنا من يحبك ويحب ملائكتك وانبائك ورسلك وعبادك الصالحين. اللهم احبي قلوبنا بحبك. واجعلنا لك كما تحب. اللهم اجعلنا نحبك بكل - 00:36:54

قلوبنا ونرضيك بكل اجسادنا. اللهم اجعل حبنا كله لك وسعينا كله في مرضاتك اللهم اجعل القرآن الكريم رابع قلوبنا ونور صدورنا وجلاء احزاننا وذهاب همومنا وغمومنا ومغفرة ذنوبنا. اسأل الله العلي العظيم ان يجعل هذا التدبر في ميزان حسناتي وحسناتكم - 00:37:24

جميعاً اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون. فبحق كل حرف فيه في كتابك تلوناه او تدبرناه. اكفنا واهلينا واخواننا واحواننا شر كل من يكيد لنا ولهم. واحفظنا واياهم من - 00:37:52
ونجعلك اللهم في نحورهم فانت الوكيل ولا حول ولا قوة الا بك اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين اللهم سدد رميهم وخيب رمي عدوهم. وكن مع اخواننا في تركستان الشرقية وفي كشمير وفي سريلانكا - 00:38:13

وفي الهند وفي الشام وانصر يا رب من نصرهم واخذل من خذلهم وطهر المسجد الاقصى من الدنس فانهم لا يعجزونك واكتب لنا ختم القرآن فيه. اللهم انك تعلم ان هذه القلوب قد اجتمعت على كتابك وعلى محبتك. والتقت يا رباه - [00:38:41](#)

على طاعتك وتوحدت على دعوتك وتعاهدت على نصرة شريعتك فوثق اللهم رابطتها وادم ودها واهدها سبلها واملاها بنورك الذي لا يخبو اشرح صدورها بفيض الايمان بك وجميل التوكل عليك. واحيها يا ربنا بمعرفتك. وامتها يا مولانا - [00:39:01](#)

كان على الشهادة في سبيلك. انك نعم المولى ونعم النصير. وصل اللهم وسلم على محمد وعلى الله وصحبه ومن تبع هداه. والسلام عليكم ورحمة الله. ونراكم غدا باذن الله في نفس هذا الموعد. ان كنا من اهل الدنيا - [00:39:28](#)